

¡BOMBA!

Del Bienestar quedó aparte aquel mariachi y maestro; le dijeron “vete presto, con tu música a otra parte”



K'intsil

Jueves 12 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2662 · www.lajornadamaya.mx

Chak ik'al Gezanie' tu kíinsaj 31 máako'ob Madagascar; tu k'askúuntaj ya'abach najo'obi'



Oochel Afp

Chak ik'al Gezani tu biinsaj najo'ob ti' noj kaaj yaan u k'áak'náabil tu noj lu'umil Madagascar, ts'o'oke' tu kíinsaj kex 31 máak ka'alikil táan ka'ach u k'áatsiko'ob peten yaan ichil Índico k'áak'náab. K'a'am u yu'ubal u yíik'al yéetel u cháakil, beey úuchik u ya'alik jo'olpóopo'ob le miércoles máanika'.

U séerbisoyiil méetereolójikóo ti' u kaajil Madagascar tu k'a'aytaj chak sajbe'entsil ti'al jayp'éel kaajo'ob, tumen tu ya'alaje' je'el u búululo'obe' yéetel je'el u níikil ba'al je'el bix u bin u k'áaxal le k'amkach cháako'.

Káaj u yu'uba'al tu ts'ook súutukil le martes

máanika', yéetel u yíik'ale' maanal 195 kms/h u jaats'. U'uya'ab u ts'íikil le iik'o' tumen kex 31 miyoonasil kajnáalo'ob te'el peteno', u ya'abil ti' leti'obe' ich óotsilil kuxa'ano'ob yéetel ma' jach no'oja'an yanik refuujio'ob ti'al u máansiko'ob le k'amkach cháako'.

Madagascare' tu yu'ubaj u jaats' uláak' chak ik'al kex ka'ap'éel semaana pachil; jump'éel lu'um séeb u ja'ats'al tumen iik'o'ob ku yantalo'ob tu ja'il Índico.

U kúuchil Oficina Nacional de Gestión de Riesgos y Desastres tu ya'alaje', tumen níik ka'anal najo'obe' leti' úuchik u kíimil kex 31 máako'ob, yéetel yanchaj kex 36 wíinik

úuch loob ti'ob ka'aj jaats'naj Gezani tu kaajil Toamasina. Oficinae' tu ya'alaj kantúul máako'ob ma' ojéela'an tu'ux ts'o'oko'obi' yéetel maanal 6 mil wíinik yanchaj u jóok'sa'al ti' u yotoch.

Tu kaajil Toamasinae' yaan kex 300 mil kajnáalo'ob, ts'o'oke' ya'ab loob úuch te'elo'. U ya'abil máaxo'ob jkíime' ti' le kaaj je'el yano'obo', tu ya'alaj jo'olpóopo'ob.

U jala'achil noj lu'ume', Michael Randrianirina, tu xiimbaltaj u kaajil Toamasina ti'al u jach ilik bix yanik ba'al te'elo', yéetel ti'al u much'kubáaj yéetel kajnáalo'ob.